

## Na vratima Evrope



### Programi / Na vratima Evrope

# Ulazak Hrvatske u EU mogao bi izolirati BiH

[Printajte](#)
[Komentirajte](#)
[Razmjena:](#)


Granica između BiH i Hrvatske u Brodu

### Izbor urednika



#### Intervju

**Mencinger: Evropska unija slična Jugoslaviji**



#### Oproštajni govor

**Moon: Građani umorni od političke lakrdije u BiH**



#### Dnevnik Aldina Arnautovića

**Nezadovoljstvo građana BiH ovaj put neće biti lako ugasi**



**Most: Krizmanić i Turajlić Može li današnja mlada generacija biti bolja od roditelja?**



#### Gde na odmor

**Tema sedmice: Od Jadrana do Sredozemlja na rate**

Gordana Sandić-Hadžihasanović

VELIČINA SLOVA

01.04.2012

Tweet 2

Recommend 3

Send

0

Follow @RSE\_Balkan

Pin it

**T**okom rasprave održane u Parlamentarnoj skupštini BiH pod nazivom „*Implikacije ulaska Hrvatske u EU za BiH*“, **Danijela Martinović**, predsjedavajuća Zajedničke skupštinske komisije za ekonomske reforme i razvoj, izjavila je kako postoji mogućnost potpune izolacije Bosne i Hercegovine.

„Pod izolacijom podrazumijevam situaciju da nećemo moći izvoziti veliki broj proizvoda koje smo do sada izvozili – mlijeko, mliječne prerađevine, meso, med itd. Znači, kada je riječ i o ekonomskom aspektu, postoji ta navedena opasnost. Naravno, mi imamo obaveze iz Sporazuma o stabilizaciji i pridruživanju. Ako se budemo striktno držali tih obaveza, ako ih budemo ispunjavali, onda ćemo riješiti i taj ekonomski problem i političke i druge aspekte navedenog problema. Kako mnogo toga nismo ispunili, kasnimo, kršimo Sporazum o stabilizaciji i pridruživanju, odnosno obveze koje su propisane. U tom smislu je i ova konferencija. To je jedan od pokušaja da konačno uspostavimo koordinaciju i sinhronizaciju aktivnosti.“

Direktorica Direkcije za evropske integracije **Nevenka Savić** upozorava da BiH još mnogo toga mora pripremiti kako bi spremno dočekala ulazak Hrvatske u EU.

„Ima nekoliko stvari koje bih pomenula u ovom trenutku gdje su implikacije ulaska Hrvatske najveće – to su imovinsko-pravni odnosi, zatim izvoz u

Republiku Hrvatsku, spoljno-trgovinski odnosi, rad, zapošljavanje, elektroenergetika i druge oblasti. Veoma je važno da u ovom preostalom periodu sve nadležne institucije u Bosni i Hercegovini preduzmu sve da bi se naši proizvodi mogli naći na izvoznjoj listi", kaže Savić.

Učesnici još jednog skupa ponudili su pomoć Bosni i Hercegovini u njenim planovima na putu evropskih integracija. Kao dio projekta "Dobri susjedi" održana je rasprava o iskustvima Hrvatske u zaštiti okoliša i sigurnosti hrane. Projekat realizuje Centar za socioekonomske studije Think Tank "Populari" u saradnji sa Ambasdom Velike Britanije u BiH i Evropskom inicijativom za stabilnost.

*„Hrvatsko iskustvo je jedinstveno iskustvo, zapravo naše i tursko iskustvo, s tim da je Hrvatska otišla dalje u tom procesu u odnosu na Tursku, zbog toga što se pregovarački proces vodio na potpuno drugim načelima u odnosu na prethodne valove proširenja. Meni se čini da su za nas primijenjena daleko obimnija i striktnija pravila nego što je to bio slučaj u prethodnim valovima proširenja. Zbog toga je vrlo važno da ono što smo mi prošli, kao iskustvo, podijelimo s Bosnom i Hercegovinom, i da se eventualno ukaže na neke probleme koji su to bili nama, jer situacija je, pretpostavljam, poprilično slična i nema razloga da ih Bosna i Hercegovina ne krene rješavati odmah, bez obzira na ritam pristupanja Evropskoj uniji“, kaže Ružica Gelo, članica pregovaračke grupe Hrvatske za pristupanje EU.*

**Nikola Ružinski**, profesor Sveučilišta u Zagrebu, rekao je nekoliko važnih stvari o prenošenju evropskih direktiva u domaće zakonodavstvo.

*„Neki zakoni su riješeni veoma brzo, prenošenje Evropskih direktiva u samo zakonodavstvo, premda smo mi već imali prije toga, po našem mišljenju, pripremljene sve zakone. Pokazalo se da nije tako. Bilo je puno problema, recimo, sa Zakonom o vodama, Zakonom o financiranju vodnog gospodarstva. To su stvari koje su dosta dugo trajale, nekoliko puta je trebalo mijenjati. Procedura samog prihvaćanja je takva da, kad napišete novi zakon, on odlazi u Evropsku komisiju, i kada EK da „no objection“, kako to oni kažu, onda on ide u parlament, odnosno u sabor. Kad jedanput uhvatite taj ritam, onda vidite da, bez obzira koliko se trudili, uvijek specijalisti u Evropskoj komisiji mogu naći nekakva rješenja za koja smatraju da nisu u skladu s evropskom pravnom stečevinom i onda će vas zamoliti da to promijenite. Onda dolazite do toga da ta zamolba znači faktički naredbu.“*

**Jo Lomas**, predstavnica Ambasade Velike Britanije u BiH, kazala je da se nada da će primjer Hrvatske nadahnuti ljude u BiH da što brže krenu da rade na članstvu u EU.

*"Ovo je odlično što su u Bosnu i Hercegovinu došli njeni susjedi iz Hrvatske. Bosna i Hercegovina može mnogo naučiti od njih, prije svega na uspješnim i pozitivnim koracima, ali i na greškama koje je tokom procesa pristupanja imala Hrvatska. Takođe se nadam da će primjer Hrvatske nadahnuti ljude u Bosni i Hercegovini, koji moraju shvatiti da je članstvo u Evropskoj uniji moguće i da je to stvarnost", zaključila je.*



**Gordana Sandić-Hadžihasanović**

[sandicg@rferl.org](mailto:sandicg@rferl.org)

Bila urednik Prvog programa Radio sarajeva do 1993. godine. Uredivala informativne i specijalne emisije. Saradnik Radija Slobodna Evropa postala 1996. godine. Među osnivačima prve mreže bosanskohercegovačkih radio stanica pod nazivom Radio 27, što je jedan od zapaženijih projekata Radija Slobodna Evropa.

Printajte

Komentirajte

Razmjena:

Tweet 2

Recommend 3

Send

0

Follow @RSE\_Balkan

Pin it

Ovaj forum je zaključen

## Recommendations



**Koliko su jake ekstremističke ideologije u BiH**  
5 people recommend this.



**Novinar magazina Time suspendiran zbog prepisivanja**  
6 people recommend this.



**Peti "Mikser" festival u Beogradu: U susret novoj Savamali**  
One person recommends this.



**Nasilje nad ženama: Bilo me je sramota**  
121 people recommend this.

Facebook social plugin

## Najčitnije

1. Mencinger: Evropska unija slična Jugoslaviji (1571)
2. Ministarski savet EU predložio rešenja za Srbiju (1183)
3. Što se od srpnja mijenja na hrvatskim granicama (1157)
4. Izetbegović: Sastao sam se sa novim snagama u RS (1107)
5. Crna Gora: 16 Rumuna poginulo, 30 povrijeđeno nakon izljetanja autobusa (1069)
6. Gubitak zuba dovodi i do postepenog gubitka memorije (970)
7. Svjedok: Šok zbog naređenja da se ubiju srebrenički zarobljenici (894)
8. Može li današnja mlada generacija biti bolja od roditelja? (892)
9. Savet ministara EU preporučio: Pregovori sa Srbijom najkasnije u januaru (850)
10. Narodna skupština RS o karakteru rata umjesto o ekonomiji (755)

## Najčešće poslano

## Najviše komentara

## Najgledanije

## Komentari

---

Nema komentara u ovom forumu. Budite prvi i dodajte komentar.

### PRODUKTI I USLUGE

### Podkast

### RSS

### Pretplata

### Mobilni telefon

RSE	Radio	Programi	Sekcije	Društvene mreže
<a href="#">Početna</a>	<a href="#">Raspored emisija</a>	<a href="#">TV Liberty</a>	<a href="#">Bosna i Hercegovina</a>	<a href="#">Del.icio.us</a>
<a href="#">O nama</a>	<a href="#">Kako nas slušati</a>	<a href="#">Most</a>	<a href="#">Srbija</a>	<a href="#">Digg</a>
<a href="#">Pravila</a>	<a href="#">Podcast</a>	<a href="#">Na vratima Evrope</a>	<a href="#">Crna Gora</a>	<a href="#">Facebook</a>
<a href="#">Kontakti</a>	<a href="#">Frekvencije u BiH</a>	<a href="#">Pred licem pravde</a>	<a href="#">Suđenje Karadžiću</a>	<a href="#">Google Bookmarks</a>
<a href="#">Registracija</a>	<a href="#">Frekvencije u Srbiji</a>		<a href="#">Suđenje Mladiću</a>	<a href="#">Newsvine</a>
<a href="#">Mapa sajta</a>	<a href="#">Frekvencije u Crnoj Gori</a>		<a href="#">Arhiva</a>	<a href="#">Reddit</a>
			<a href="#">Specijali</a>	<a href="#">StumbleUpon</a>
				<a href="#">Twitter</a>

Sva prava zadržana. Radio Free Europe / Radio Liberty © 2013 RFE/RL, Inc. Kontakti: [slobodnaevropa@rferl.org](mailto:slobodnaevropa@rferl.org)